

IŞK

Yüregüme şerha şerha yareler urdı bu `ışk
Garet itdi gönlüm ilin yağmaya urdı bu `ışk

Şimdi hakim gönlümün iklimine `ışıkdur benüm
`Akla nefse tene cana hükmini sürdi bu `ışk

Her sıfat kim nefsün ü `aklun u ruhun varıdı
Tartdı seyfu'l-lah yürütdi kamusun kırdı bu `ışk

Bu gönül hücrelerini tahliye kıldı kamu
Ademiyyet noktasından sildi süpürdi bu `ışk

Kendü varlığıyla külli varlığum mahv eyledi
Dost göziyle bakdı ol dost yüzini görđi bu `ışk

Çün fena darında benlik Mansurın dar eyledi
Dost ışiginde ene'l-hak nevbetin urdı bu `ışk

Dün gün Eşrefoğlu Rûmî derdün artar pes neden
Zahmuna hod-dost elinden merhem irgürdi bu `ışk